



Pou Piblikasyon Imedya: 13/05/2022

GOUVÈNÈ KATHY HOCHUL

GOUVÈNÈ HOCHUL ANONSE 234 MILYON DOLA NAN ASISTANS ALIMANTÈ SIPLEMANÈ POU MWA ME A

***Tout fwaye SNAP yo pral resevwa nivo avantaj alimantè maksimòm mwa sa a
Prèske 1 milyon dola nan avantaj siplemantè te distribye depi mwa janvye a***

Gouvènè Kathy Hochul te anonse jodi a ke tout Nouyòkè ki enskri nan Pwogram Asistans Nitrisyon Siplemantè (Supplemental Nutrition Assistance Program, SNAP) a pral resevwa nivo avantaj alimantè maksimòm ki otorize pou mwa me a. Tout fwaye k ap patisipe nan SNAP yo - sa gen ladan sila yo ki deja nan nivo avantaj maksimòm yo - pral resevwa alokasyon siplemantè mwa sa a, sa ki pral mennen nan yon enjeksyon anviwon 234 milyon dola finansman federal nan ekonomi Eta New York la.

"Pandan ke New York ap kontinye rebati pi fò pase anvan, gen twòp fwaye ki gen difikilte ak ensekirite alimantè", **Gouvènè Hochul te deklare.** "Nan bay nivo avantaj alimantè maksimòm bay sila yo ki nan bezwen, nou kapab ede fwaye ki gen difikilte yo siviv ak mete manje sou tab yo. Finansman sa a pral ede asire yon pakèt fanmi ka evite pèspektif ensekirite alimantè ki dechire kè a pandan n ap travay ansanm pou yon avni ki pi pwospè pou tout Nouyòkè yo."

Yo bay sipleman èd ijans lan pou tout fwaye yo, sa gen ladan sila yo ki nòmalman resevwa avantaj maksimòm ki otorize chak mwa nan SNAP - yon pwogram ki finanse pa gouvènman federal epi se Biwo Asistans Tanporè ak Andikape (Office of Temporary and Disability Assistance, OTDA) eta a ki sipèvize li. Fwaye sa yo ki deja toupre oswa nan nivo maksimòm avantaj la - 835 dola pou yon fwaye ki gen kat moun - pral resevwa yon peman siplemantè omwen 95 dola. Lajan sa yo ka itilize tou pou achte manje ak fòmila (lèt) pou bebe.

Fwaye SNAP nan tout konte ki andeyò Vil New York yo ta dwe wè avantaj anplis sa yo afiche nan vandredi 21 me. Fwaye SNAP sa yo nan rejyon senk konte Vil New York la ta dwe wè avantaj pa yo afiche nan 28 me.

OTDA te kòmanse bay avantaj siplemantè an ijans an avril 2020 pou fwaye SNAP sa yo ki te resevwa mwens pase kantite maksimòm avantaj chak mwa a. Lè deklarasyon ijans Eta New York la te ekspire an jen 2021 an, ajans la te travay avèk siksè ak gouvènman

federal la pou garanti alokasyon maksimòm pou tout fwaye SNAP yo jiska ekspirasyon deklarasyon federal la, ki kounye a yo prevwa k ap pwolonje jiska mwa jiyè.

Nouyòkè yo kontinye konte anpil sou SNAP, avèk plis pase 1.6 milyon fwaye nan tout eta a ki enskri nan pwogram nan fevriy, yon ogmantasyon 1 pousan pa rapò ak mwa anvan an. Plis pase 2.8 milyon Nouyòkè te resevwa avantaj an fevriye, pifò depi jen 2021.

Komisè Biwo Asistans Tanporè ak Andikap la, Daniel W. Tietz, te deklare, "Okenn moun oswa fanmi pa ta dwe ap trakase tèt yo pou konnen si y ap gen resous pou mete manje ki an sante ak nourisan sou tab yo chak mwa. Avantaj alimantè adisyonèl yo bay pandan kriz sante piblik la te jwe yon wòl entegral nan ede soulaje ensètitud sa a, pandan ansanm y ap ede biznis lokal yo ak detayan yo retabli yo atravè eta nou an."

Senatè Chuck Schumer te deklare, "Okenn Nouyòkè pa ta dwe janm oblije gen enkyetid sou ki kote pwochen repa yo a ap soti. Se poutèt sa mwen te batay pou yon ogmantasyon istorik pou SNAP pandan pandemi an atravè Lwa sou Kredi Konsolide 2021 an epi Plan Sovtaj Ameriken an tou. Nou te double efò nou pou founi sipò siplemantè sa nan finansman federal la pou ede fanmi ki gen difikilte yo mete manje sou tab. SNAP se yon mwayen sovtaaj pou anpil Nouyòkè epi mwen pral toujou batay pou livre resous federal ki nesèsè yo pou asire okenn Nouyòkè pa rete grangou oswa pa rete dèyè".

Reprezantan Adriano Espaillat te deklare, "SNAP se zouti ki pi efikas nou genyen pou nou konbat epidemi grangou k ap ravaje peyi sa a epi ki afekte fanmi yo atravè eta nou an. Mwen felisite Gouvènè Hochul paske li bay finansman adisyonèl sa a pou ede ranfòse Pwogram Asistans Nitrisyon Siplemantè New York la ki pral pèmèt plis fanmi maksimize ak rekòlte tout avantaj resous ijans yo bay atravè pwogram sa a pou ede yo rete an vi nan mitan rekipasyon kontinyèl la."

Avantaj SNAP yo jwe tou yon wòl enpòtan nan rekipasyon ekonomik kontinyèl New York la, ki enjekte plis pase 1 milyon dola nan ekonomi eta a jiskaprezan ane sa. Chak dola federal ki investi apati SNAP jenere jiska 1.54 dola nan aktivite ekonomik, dapre yon [etid federal](#) ki mezire enpak SNAP sou ekonomi Etazini an.

Avantaj sa yo tou se yon mwayen sovtaaj enpòtan pou Nouyòkè ki nan bezwen yo. An mwayèn, apeprè youn sou sèt Nouyòkè - apeprè 14 pousan popilasyon eta a - te konte sou benefis SNAP ane pase; plis pase mwatye nan kay ki resevwa yo se te fanmi ki gen timoun ak apeprè 48 pousan te gen yon adilt ki gen plis pase 55 ane oswa yon moun ki te andikape.

Menm jan pou mwa ki pase yo, peman yo ap fèt dirèkteman sou kont Transfè Elektwonik Avantaj (Electronic Benefit Transfer) benefisyè yo deja genyen an epi y ap kapab itilize l avèk kat EBT yo deja genyen an. Menm jan ak avantaj nòmal SNAP yo, avantaj siplemantè yo ka sèvi pou achte manje nan magazen ki vann manje an detay ki

otorize yo. Tout avantaj SNAP ki pa sèvi yo ap otomatikman rapòte nan pwochen mwa k ap vini an.

Jwenn plis enfòmasyon sou avantaj siplemantè SNAP pou ka dijans yo, ansanm ak repons pou kesyon moun poze souvan yo, [isit la](#). Nouyòkè yo kapab verifye si yo elijib pou SNAP epi aplike sou entènèt lè yo ale sou mybenefits.ny.gov.

###

Lèt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418